



Kamis, 07 Desember 2023
Ogen: Masmur 42:11-12



Dibata Pengarapenku



Sekalak jelma nungkun i bas pusuhna, engkai maka lit lalap kiniseran i bas kegeluhen e. Adi tuhu kin Tuhan e lit, dinging ia melias dinging perkuah, engkai maka iberekenNa manusia erkiniseran? Engkai maka Dibata si erkuasa la ngolangi rehna kejahatan ras perbeben i bas kegeluhen anak-anakNa? Adi Ia si mada kuasa, ngasup nge ngolangi kiniseran, tapi la ia nggit ngolangisa, ma kejam Tuhan e?

Ngerana kerna kiniseran payo nge la erkeri-kerin. Lit kalak si nilahken perbeben, lit kalak ndarami perbeben, lit kalak talu ibahan perbeben kegeluhenna. Tapi sada si arus si teki kita, Dibata nepa kita labo gelah jadi biasa-biasa saja. Dibata nepa kita jadi prajurit, ertendi si paguh, la murah penggel. Jadi pejuang-pejuang tangguh, umat pilihan Tuhan si meherga.

Salah sada gegeh siibereken Tuhan ngalaken perbeben, e me pengarapen. Pengarapen e si langa teridah tapi sisuraken maka jadi. I tengah-tengah situasi si la mungkin, situasi si mesera, pengarapen desken lilin i bas kegelapen. Teneng kita banna. Bagi pemasmur pe bas kiniseranna, i ja tempa-tempa Dibata cebuni bas ia nari. La ia bene pengarapen, tetap muas dinging melehe ia nandangi Tuhan, desken Dibata e pasti reh. Pengarapen e bali ras jangkar bas geluhta (Heber 6:19), erbahanca tetap ukurta, paguh, tahan igoncang badai perbeben si mesangat sekali kal pe. La kita banna bene, sebab jangkar e nahan perbulak kapal e.

Uga dage carana gelah tetap erpengarapen? Ula mengeluh, ula jungut-jungut, tetapken bas ukur, *aminna pa batang ara la erbunga, batang anggur la lit buahna, aminna pe batang saitun lalit asilna, perjuma la ruluh gia, aminna pe biri-biri mate kerina, dinging enggo keru lembu i bas karangna, tetap nge aku ermeriah ukur i bas Tuhan, erkiteken Dibata kap si ngkelini aku* (Hab.3:17-18). Ambekken ate ceda, pagit bas pusuh. Isilah pusuhna alu perkatan, Dibata pengarapenku.